

Prirodno-matematički fakultet  
Društvo matematičara i fizičara Crne Gore

**OLIMPIJADA ZNANJA 2023**

Rješenja zadataka iz MATEMATIKE  
za III razred srednje škole

1. Riješite nejednačinu

$$\log_2(\sqrt{x^2 - 4x} + 3) > \log_{1/2}\left(\frac{2}{\sqrt{x^2 - 4x} + \sqrt{x+1} + 1}\right) + 1.$$

.

**Rješenje:** Primijetimo da je oblast definisanosti izraza određena sa:

$x^2 - 4x \geq 0$  i  $x + 1 \geq 0$ , tj.  $x \in [-1, 0] \cup [4, +\infty)$ . Koristeći poznata svojstva funkcije  $\log$ , za  $x$  iz oblasti definisanosti imamo

$$\begin{aligned} \log_2(\sqrt{x^2 - 4x} + 3) &> \log_{1/2}\left(\frac{2}{\sqrt{x^2 - 4x} + \sqrt{x+1} + 1}\right) + 1 \\ \iff \log_2(\sqrt{x^2 - 4x} + 3) &> -\log_2\left(\frac{2}{\sqrt{x^2 - 4x} + \sqrt{x+1} + 1}\right) + \log_2 2 \\ \iff \log_2(\sqrt{x^2 - 4x} + 3) &> \log_2\left(\frac{\sqrt{x^2 - 4x} + \sqrt{x+1} + 1}{2}\right) + \log_2 2 \\ \iff \log_2(\sqrt{x^2 - 4x} + 3) &> \log_2(\sqrt{x^2 - 4x} + \sqrt{x+1} + 1) \\ \iff \sqrt{x^2 - 4x} + 3 &> \sqrt{x^2 - 4x} + \sqrt{x+1} + 1 \\ \iff 3 &> \sqrt{x+1} + 1 \\ \iff \sqrt{x+1} &< 2 \\ \iff x &< 3 \end{aligned}$$

Dakle,  $x \in [-1, 0]$ .

□

2. Odrediti sve uređene trojke  $(a, b, n)$  prirodnih brojeva koje zadovoljavaju jednakost

$$a! + b! = 2^n.$$

**Rješenje:** Neka je  $a \leq b$ . Primijetimo da za  $a \geq 3$ , slijedi da je  $a! + b!$  djeljivo sa 3 što nije moguće. Dalje,

$$2^n = b! \left( \frac{b!}{a!} + 1 \right),$$

odakle slijedi da je  $(b = a)$  ili  $(b = a + 1, b \text{ neparan})$ , jer u suprotnom izraz u zagradi je neparan broj, što nije moguće. Dakle, mogući su sljedeći slučajevi:

i)  $a = b = 1$

Slijedi  $2^n = 2$ , odnosno  $n = 1$ . Dakle,  $(a, b, n) = (1, 1, 1)$  je rješenje.

ii)  $a = b = 2$

Slijedi  $2^n = 4$ , odnosno  $n = 2$ . Dakle,  $(a, b, n) = (2, 2, 2)$  je rješenje.

iii)  $a = 2, b = 3$

Slijedi  $2^n = 2 + 6 = 8$ , odnosno  $n = 3$ . Dakle,  $(a, b, n) = (2, 3, 3)$  je rješenje. U slučaju  $a > b$  dobili bismo da je  $(a, b, n) = (3, 2, 3)$  rješenje.

Time smo odredili sva rješenja jednačine:  $(a, b, n) \in \{(1, 1, 1), (2, 2, 2), (2, 3, 3), (3, 2, 3)\}$ .  $\square$

3. U ravni je data mreža tačaka sa koordinatama  $(x_i, y_j)$ ,  $i, j \in \{1, 2, \dots, 2023\}$  takva da važi: ako  $x$ -koordinatu svake tačke zamijenimo zbirom  $x$ -koordinata preostalih tačaka i  $y$ -koordinatu svake tačke zamijenimo zbirom  $y$ -koordinata preostalih tačaka, dobijemo istu mrežu tačaka.

(a) Dati primjer skupa tačaka koji zadovoljava uslove zadatka.

(b) Dokazati da postoji bar jedna tačka čija je jedna  $x$ -koordinata nula i bar jedna tačka čija je  $y$ -koordinata nula (za svaku mrežu koja zadovoljava uslove zadatka, ne samo za slučaj pod (a)!).

**Rješenje:**

(a) Neka je  $S = \{-1011, -1010, \dots, -1, 0, 1, \dots, 1010, 1011\}$  i neka su  $x$  i  $y$ -koordinate naših tačaka brojevi iz skupa  $S$ . Svaka  $x$ -koordinata  $x_i$  neke tačke iz mreže se zamjenjuje sa zbirom svih ostalih  $x$ -koordinata  $x_k$ ,  $k \neq i$ , odnosno sa zbirom svih  $x$ -koordinata umanjenim za  $x_i$ . Kako je očigledno zbir svih  $x$ -koordinata u slučaju datog skupa jednak nula, to se  $x$ -koordinata  $x_i$  fiksirane tačke zamjenjuje sa  $-x_i$ . Analogno i za  $y$ -koordinate. Dakle, tačka  $(x_i, y_j)$  se zamjenjuje tačkom  $(-x_i, -y_j)$ , pa mreža  $S \times S$  je primjer mreže koja zadovoljava navedeni uslov.

(b) Tačke sa  $x$ -koordinatom  $x_j$  se zamjenjuju tačkom sa  $x$ -koordinatom  $\sum_{i=1}^{2023} x_i - x_j$ . Kako mreža ostaje ista, to je  $\sum_{j=1}^{2023} x_j = 2022 \sum_{j=1}^{2023} x_j$ , odnosno  $\sum_{j=1}^{2023} x_j = 0$ . Dakle, tačka sa  $x$ -koordinatom  $x_j$  se zamjenjuje tačkom sa  $x$ -koordinatom  $-x_j$ . Bez gubljenja opštosti, neka

je

$$x_1 \leq x_2 \leq \dots \leq x_{2022} \leq x_{2023}.$$

Kako mreža nakon navedenog postupka ostaje ista to je

$$x_1 = -x_{2023},$$


$$x_2 = -x_{2022},$$

$$\vdots$$

to jeste  $x_k = -x_{2024-k}$ . Specijalno  $x_{1012} = -x_{1012}$ , odnosno  $x_{1012} = 0$ . Analogno za  $y$ -koordinate.  $\square$

4. Neka je tačka  $I$  centar upisane kružnice trougla  $ABC$ . Neka je  $k$  kružnica koja sadrži tačke  $B$  i  $I$ , i  $AI$  je njena tangenta. Kružnica  $k$  siječe  $AB$  još u tački  $P$  i siječe  $BC$  još u tački  $Q$ . Prava  $QI$  siječe  $AC$  u tački  $R$ . Dokazati da je  $|AR| \cdot |BQ| = |PI|^2$ .

**Rješenje:**



Važi sljedeći niz jednakosti uglova:

$$\begin{aligned}
\angle AIP &= \angle IBP \text{ (ugao između tangente i tetive je jednak periferijskom uglu nad tetivom)} \\
&= \angle IBQ \text{ (} BI \text{ je bisektrisa ugla } \angle ABC \text{)} \\
&= \angle IPQ \text{ (kao periferijski uglovi nad tetivom } IQ \text{)}.
\end{aligned} \tag{1}$$

pa je  $AI \parallel PQ$ . To dalje povlači

$$\begin{aligned}
\angle IAB &= \angle BPQ \\
&= \angle BIQ \text{ (kao periferijski uglovi nad tetivom } BQ \text{)}.
\end{aligned}$$

Kako je  $\angle AIP = \angle IBQ$  i  $\angle IAP = \angle BIQ$ , to su trouglovi  $AIP$  i  $IBQ$  slični pa važi

$$\frac{|QI|}{|BQ|} = \frac{|AP|}{|PI|}. \tag{2}$$

Neka je  $A' = p(A, I) \cap p(B, C)$ . Tada

$$\begin{aligned}
\angle RIA &= \angle QIA' \text{ (kao unakrsni uglovi)} \\
&= \angle IPQ \text{ (ugao između tangente i tetive je jednak periferijskom uglu nad tetivom)} \\
&= \angle AIP \text{ (na osnovu 1)}.
\end{aligned}$$

Kako je  $AI$  bisektrisa  $\angle BAC$  to je i  $\angle PAI = \angle RAI$ , pa iz  $USU$  stava slijedi da je  $\triangle AIP \cong \triangle AIR$ , što povlači

$$|AR| = |AP|. \tag{3}$$

Takođe važi  $|QI| = |PI|$ , jer je  $BI$  bisektrisa ugla  $PBQ$ . Uvrštavajući dobijeno u (2) konačno dobijamo

$$\frac{|PI|}{|BQ|} = \frac{|AR|}{|PI|},$$

odakle slijedi tražena relacija. □